

## **"SHARAF KODEKSI"**

**O'ZBEKISTON RESPUBLIKASI OLIY TA'LIM, FAN VA  
INNOVATSIYALAR VAZIRLIGI**



**JIZZAX DAVLAT PEDAGOGIKA UNIVERSITETINING**

# **SHARAF KODEKSI**

---

**Jizzax — 2023**



## Jizzax davlat pedagogika universitetining “Sharaf kodeksi”

### **1. Kirish:**

Ushbu “Sharaf kodeksi” o‘zida Jizzax davlar pedagogika universitetining uzoq yillar davomida shakllangan hamda Yangi O‘zbekiston taraqiyot strategiyasi talablaridan kelib chiquvchi koorporativ qadriyatlarni mujassam qiladi;

Jizzax davlat pedagogika universitetining Sharaf kodeksi universitet pedagog xodimlari, talabalari, doktorantlari (keyingi o‘rinlarda tegishlicha xodim, talaba, doktorant deb yuritiladi) koorporativ qadriyatlar asosida birlashtiradi hamda ularning xulq-atvor normalarini, faoliyatining ma’naviy-axloqiy me’yorlarini belgilaydi, kasbiy odob-axloqining tamoyillari, normalari, ta’lim-tarbiya jarayoni va koorporativ xulq-atvorining asosiy qoidalariga rioya qilinishini, hamda ishga, o‘zaro munosabatlarni tartibga soladi.

Ushbu Kodeks bizning faoliyatimizning ma’naviy-axloqiy asosi bo‘lib, bizning xatti-harakatlarimizni, qabul qiladigan qarorlarimizni tartibga soladi. “Sharaf kodeksi” Jizzax davlat pedagogika universitetining bebaho qadriyatlarni himoya qiladi, yanada mustahkamlaydi hamda bizning, strategik maqsadimizga yetishimizda o‘zaro hurmat-izzat, mas’uliyatlilik va boshqa yuksak ma’naviy-axloqiy fazilatlarga asoslangan koorporativ madaniyatimizni bunyod qilishimizda madadkor bo‘ladi;

Jizzax davlat pedagogika universitetining turli kasb, daraja, avlodlar, millat vakillari bo‘lgan professor-o‘qituvchilari, xodimlari, magistrлari va talabalari ishonadigan, amal qiladigan, bir koorporativ maqsad yo‘lida birdam bo‘lishga chorlaydi;

Shuning uchun ushbu “Sharaf kodeksi”ga amal qilishni har bir professor-o‘qituvchi, xodim, magistr va talabaning sharaflı burchidir.

### **2. Jizzax davlat pedagogika universitetining maqsadlari:**

Jizzax davlat pedagogika universitetining maqsadi — zamonaviy pedagogik va axborot kommunikatsiya texnologiyalarini qo‘llash asosida bozor iqtisodiyoti talablariga mos raqobatbardosh, yuqori malakali kadrlar tayyorlashdan iborat.

Jizzax davlat pedagogika universitetining strategik maqsadi — ta’lim-tarbiya sifatini oshirish, jahon talablari darajasiga ko‘tarish orqali jahon universitetlarining 1000 taligiga kirish, O‘zbekiston oliy ta’lim muassasalari orasida liderlik pozitsiyasini qo‘lga kiritish va saqlab qolishdir.

### **3. Jizzax davlar pedagogika universiteti jamoasi “Sharaf kodeksi”ning ma’naviy-axloqiy normalari:**

Jamoaning har bir a'zosi hatti-harakatlarida nafaqat o'z manfaatlarini, balki universitet manfaatlarini ham hisobga olishni;

Universitetning sha'ni va an'analarini saqlashni hamda rivojlantirishni;

Universitet imidjini O'zbekistonligi yetakchi o'quv, ilmiy-pedagogik muassasalardan biri sifatida yuksaltirishni;

Jamoa o'rtasida o'zaro tushunish, hurmat hamda o'zaro yordamga intilishni;

Pedagog ma'naviy kamoloti ta'lif-tarbiya tizimini yangilashning asosi ekanligini his qilishni va shunga muvofiq faoliyat yuritishni;

Ota-onalarni va talabalarni sifatlari ta'lif berishga ishontirgan holda ularga hurmat bilan munosabatda bo'lishni;

Pedagogik faoliyatda rivojlangan davlatlar ta'lif tizimi va fan yutuqlarini qo'llashni;

Ma'naviy-axloqiy shaxs na'munasi sifatida har doim korrupsiyaga nisbatan murosasiz munosabatda bo'lish kabilardir;

#### **4. Jamoaning umumiy burchlari:**

**Biz – JDPU jamoasi,** har birimiz ushbu Sharaf kodeksiga amal qilsak, Jizzax davlar pedagogika universiteti faoliyatining samaradorligi oshishiga, O'zbekistonda va jahonda uning shon-sharafi yuksalishiga ishonamiz.

**Biz universitetning tarixiy ilmiy-ma'rifiy qadriyatlarni asrabavaylaymiz:** Jizzax davlar pedagogika universitetining qariyb 50-yillik tarixida to'plangan ilmiy, tarbiyaviy an'analarni, universitet professor-o'qituvchilari, xodimlari, magistrлari va talabalari ishonadigan, jamoa tomonidan amal qilinadigan, qadrlanadigan sharaflanadigan fazilatlar, yutuqlar, munosabatlar, xotira, yodgorliklarini e'zozlaymiz.

**"Biz bir jamoa ruhiga sodiqmiz"** – biz universitet xodim, talaba va doktorantlari o'z o'qish va xizmat faoliyatlarini ma'naviy-axloqiy qadriyatlar, Vatanga sadoqat, xizmat va o'qish burchiga sodiqlik asosida jamiyatning universitetga talabi va ishonchini ifodalagan holda bir komanda bo'lib amalga oshiramiz. Bir birimizga beg'araz qo'llab-quvvatlaymiz, yuzaga keluvchi muammolarni yechishda hozirjavob va birdam bo'lamiz.

**"Biz korrupsiyaning har qanday ko'rinishiga qarshi turamiz"** — universitet xodim, talaba va doktorantlari korrupsiyaning har bir shakli va ko'rinishini qabul qilmaydilar va uning biror-bir tarzda namoyon bo'lishiga qarshi hamjihatlikda qonuniy choralarni ko'radilar.

Biz universitet Korrupsiyaga qarshi kurashish dasturi va universitet "Xodim, talaba, o'quvchi va doktorantlari tomonidan korrupsiyaviy jinoyatlar sodir etishga og'dirish maqsadida murojaat qilish holatlari haqida xabardor qilish to'g'risida"gi nizom talablarini so'zsiz bajaramiz.

"Sharaf kodeksi" ustoz-shogirdlik an'analariga hamda ustozlarning ma'naviy-axloqiy liderligiga asoslanadi. Har bir kafedra mudiri, dekan va uning o'ribbosarlari, tyutorlar, talaba va doktorantlarga "Sharaf kodeksi"ga mos xulq modelining namunasi bo'ladilar.

## **5. Universitet professor-o‘qituvchilari va xodimlarining sharaflı burchlari:**

Biz — Jizzax davlar pedagogika universiteti professor-o‘qituvchilari va boshqa xodimlari, talabalari, doktorantlari O‘zbekistonning yanada rivojlantirishdek mas’uliyatni zimmamizga olganimiz va bundan faxrlanamiz.

Biz vatanparvar, yuksak malakali, universitetimizga munosib pedagoglarni yetishtirib, ularning hurmatiga sazovor, ibratli ustozlari bo‘lamiz.

Biz har bir talaba, doktorantda avvalo insonni, shaxsni ko‘ramiz va ularga ustozlikni o‘zimiz uchun sharaf deb bilamiz.

Jizzax davlat pedagogika universiteti professor-o‘qituvchilari va xodimlari talabaning mehribon va talabchan do‘sti. Biz inson qadrini ulug‘laymiz, har qanday takabburlikka qarshimiz va talabalar bilan muloqotga doim shaymiz.

Biz talabalarda Vatanga sadoqat, irodalilik, mafkuraviy immunitet, mehr-oqibatlilik, mas’uliyatlilik, huquqiy madaniyat, innovatsion fikrlash, mehnatsevarlik kabi tayanch fazilatlarni tarbiyalash uchun o‘z ustimizda doim ishlaymiz.

Biz o‘z fanimiz bo‘yicha yangiliklarni, xorij tillari, pedagogik va axborot texnologiyalarini o‘rganish bo‘yicha muntazam ishlaymiz.

Biz talabalarni ilmiy-tadqiqot ishlariga qiziqtiramiz. Yoshlarni kashfiyotlar olamiga olib kirishni o‘zimizning ustozlik burchimiz, deb bilamiz.

Biz - Jizzax davlat pedagogika universiteti professor-o‘qituvchilari va xodimlari o‘zimizning tashqi ko‘rinishimiz, xulqimiz bilan talabalarga ibrat bo‘lamiz.

Biz ish vaqtidan samarali foydalanamiz, universitetning moddiy-texnik ashyolari, mulkini asrab-avaylaymiz

Biz universitetimizda “Sharaf kodeksi”ga zid harakatlarning oldini olishga, to‘xtatishga harakat qilamiz.

## **6. Talaba va doktorantlarning sharaflı burchlari:**

Doimo yuksaklikka intilish, halollik va adolat bilan hayot kechirish kabi oljanob fazilatlarni chuqur anglashni, odob-axloqqa oid milliy an‘analarimiz, urfodat va qadriyatlarimizni hurmat qilishni, shuningdek, universitet obro‘-e’tibori va nufuziga dog‘ tushiradigan har qanday harakatlarni sodir etishdan o‘zini tiyishni;

Vatan taqdiri uchun mas’uliyatni his qilish, uning yuksak obro‘-e’tiborini butun xulq-atvori bilan saqlash, o‘tmish va bugunni baholashda ishonch bilan ko‘p millatli O‘zbekiston xalqining ma’naviy, axloqiy, madaniy, tarixiy va zamonaviy qadriyatlarini qo‘llab-quvvatlashni;

Ustoz-shogird an‘analarini rivojlantirish va buni barcha tengdoshlariga targ‘ib qilishni, xatti-harakatlarimizda nafaqat o‘z manfaatlarimizni, balki universitet an‘analarini, sha’ni va manfaatlarini ham hisobga olishni;

Universitet to‘g‘risidagi axborotlardan uning manfaatlari va ishchanlik obro‘siga ziyon yetkazish maqsadida foydalanmaslik, umumjamoa mulkiga ehtiyyotkorlik bilan munosabatda bo‘lish shu jumladan, ta’lim olish uchun berilgan moddiy texnika vositalaridan to‘g‘ri va tejamkorona foydalanishni;

Universitet “Odob-axloq kodeksi”ga so‘zsiz rioya qilish, o‘z vazifalarini og‘ishmay bajarishni, prof-o‘qituvchilar, xodimlar va talabalarning shaxsiy va oilaviy muammolarini muhokama qilmaslikni, hech bir shaxs haqida jinsi, irqi, millati, tili, diniy e’tiqodi, ijtimoiy kelib chiqishi va lavozimi haqida hamda boshqa xususiyatlaridan qat’i nazar noto‘g‘ri fikr yuritmaslikni va uni kamsitmaslikni;

Ta’lim olish jarayonlari davomida o‘zlariga ma’lum bo‘lgan, ularning oshkor etilganligi uchun qonun hujjatlarida belgilangan tartibda javob beriladigan axborotning saqlanishi va maxfiyligini ta’minalash yuzasidan barcha choralarни ko‘rishni, sog‘lom turmush tarzini yuritish va atrofdagilarning sog‘lig‘ini saqlashga g‘amxo‘rlik qilish, estetik madaniyatning oshishiga ko‘maklashishni;

Universitetning ta’lim va tarbiya jarayonlariga xizmat ko‘rsatuvchi xodimlari bilan xushmuomala bo‘lishni, kitoblar va jihozlarga ehtiyojkorona munosabatda bo‘lishni, dars va umumxizmat ko‘rsatish joylarida uyali aloqa vositalarini o‘chirib qo‘yish yoki ovozsiz rejimga qo‘yishni, baland ovozda so‘zlashmaslik va atrofdagilarga xalaqit bermaslikni, oziq-ovqat iste’mol qilmaslik, qog‘oz, saqich va boshqa chiqindilarni qoldirib ketmaslikni;

O‘z bilimimiz va intellektual salohiyatimizni doimiy ravishda oshirib borish uchun butun sa’y-harakatimiz, iqtidorimiz va salohiyatimizni safarbar qilishni e’lon qilamiz.

#### **4. “Sharaf kodeksi”ning qo‘llanilishi:**

“Sharaf kodeksi”da belgilangan ma’naviy-axloqiy xulq normalarining munosib ijrosini yo‘lga qo‘yish, jamoatchilik nazoratini ta’minalash uchun Universitetning Ma’naviyat va ma’rifat Kengashi huzurida “Sharaf kodeksi”ning vakolatli nazorat guruhi tuziladi.

Jizzax davlat pedagogika universiteti rektori raisligida jamoatchilik asosida ish yurituvchi “Sharaf kodeksi”ning vakolatli nazorat guruhi 1 yil muddatga tuziladi va guruh a’zolarining ro‘yxati JDPU rektori buyrug‘i bilan tasdiqlanadi.

“Nazorat guruhi” a’zosi: o‘z xohishiga ko‘ra yoki amalda qonun hujjatlari, universitet ichki tartib va odob-axloq qoidalari hamda sharaf kodeksi talablariga zid faoliyat bilan shug‘ullanganda; universitet xodimlari tomonidan “Nazorat guruhi” a’zosini almashtirish to‘g‘risida murojaat qilinganda universitet rektori buyrug‘i bilan muddatidan oldin guruh a’zoligidan chiqarilishi mumkin.

JDPU Yoshlar masalalari va ma’naviy-ma’rifiy ishlar bo‘yicha birinchi prorekitori “Sharaf kodeksi”ning vakolatli nazorat guruhi raisining o‘ribbosari hisoblanadi.

“Nazorat guruhi”ga fakultetlardan 1 nafar yuksak ma’naviyatli, talabchan, pedagogik-psixologik bilimlar, analistik, notiqlik qobiliyatlarga ega, ijtimoiy faol professor-o‘qituvchi, 1 nafar tyutor, 1 nafar xotin-qizlar faoli va 1 nafar faol talaba kiritiladi.

#### **5.“Sharaf kodeksi” Nazorat guruhi huquqlari:**

“Sharaf kodeksi”ning nazorat guruhi O‘zbekistonda amalda bo‘lgan qonunlar, JDPU Ustavi, “Odob-axloq qoidalari” hamda ushbu Kodeks doirasida faoliyat yuritadilar.

Shuningdek, JDPUs “Sharaf kodeksi”ni joriy qilish va undagi qoida va normalarga amal qilinishi ustidan aniq mezonlar asosida ma’naviyat bo‘limi yoki boshqa tegishli bo‘lim bilan hamkorlikda jamoatchilik nazoratini amalga oshirish;

“Sharaf kodeksi”ni joriy qilish va undagi qoida va normalarga amal qilish bo‘yicha tushuntirish ishlarini olib borish;

“Sharaf kodeksi”ni joriy qilish va undagi qoida va normalarga amal qilish bo‘yicha profilaktik ishlarni olib borish, yuzaga kelishi mumkin bo‘lgan tushunmovchiliklarning oldini olish;

Qabul qilinayotgan ichki normativ hujjatlarning “Sharaf kodeksi” qoida va normalariga mosligini ekspertizadan o‘tkazish;

“Sharaf kodeksi” nazorat guruhi faoliyati ochiqlik va oshkoraliq prinsiplari asosida olib boriladi va universitet OAV vositalari orqali yoritib boriladi.

Universitet, fakultet Ilmiy kengashlarida, Ma’naviyat va ma’rifat kengashi yig‘ilishlarida “Sharaf kodeksi” normalarining ijrosi haqida chiqishlar qilish;

Rektorat va fakultet rahbariyatiga “Sharaf kodeksi”ga namunaviy rioya qiluvchi professor-o‘qituvchilar, xodimlar, talaba va doktorantlarni moddiy va ma’naviy rag‘batlantirish bo‘yicha takliflar kiritish;

Attestatsiya komissiyalari ishida ishtirok etish;

Professor-o‘qituvchilar, xodimlar, talabalar tomonidan “Sharaf kodeksi” qoida va normalarining buzilish holatlari, ularning sabab va oqibatlarini o‘rganish va universitet, fakultet, kafedralarda muhokamasini uyuştirish huquqlariga ega.

#### **6. “Sharaf kodeksi” nazorat guruhining vazifa va majburiyatları:**

“Sharaf kodeksi” nazorat guruhi o‘z xulqi bilan “Sharaf kodeksi”ga rivoя qilishning shaxsiy namuna ko‘rsatishi;

Ma’naviy-axloqiy tahlil, tarbiya masalalari bo‘yicha o‘zining pedagogik-psixologik bilimlarini oshirib borishi;

Professor-o‘qituvchilar, xodimlar, talabalar va doktorantlar orasida Kodeks va unga amal qilishning mohiyati to‘g‘risida muntazam tushuntirish ishlarini olib borish;

JDPUs ommaviy axborot vositalarida, ma’naviy-ma’rifiy tadbirlarida “Sharaf kodeksi”ning ahamiyati to‘g‘risida tushuntirish ishlarini olib borish;

JDPUs jamoasida ma’naviy muhitning sog‘lom va barqarorligini ta’minalash uchun amaliy, natijali ishlar qilish;

Xodimlar orasida sodir bo‘lishi mumkin bo‘lgan kelishmovchiliklarning oldini olishga qaratilgan tushuntirish ishlarini olib borish;

Manfaatlar to‘qnashuvi, xodimlar orasida xizmat yuzasidan muammoli vaziyatlar yuzaga kelgan holatlarda masalaga “Sharaf kodeksi” nuqtayi nazaridan baho berish;

Ayrim professor-o‘qituvchilar, xodimlar, talabalar, doktorantlar tomonidan “Sharaf kodeksi” normalarining buzilish holatlariga tegishli fakt va holatlarni “Sharaf kodeksi” nozirlar guruhi muhokamasiga olib chiqish;

#### **7. “Sharaf kodeksi”ga rivoя qilish ustidan nazorat qilish:**

“Sharaf kodeksi”ga rioya qilinishi ustidan jamoatchilik nazorati JDPU “Sharaf kodeksi” Nazorat guruhi tomonidan amalga oshiriladi.

JDPU professor-o‘qituvchilari, xodimlari tomonidan ushbu kodeks normalarining buzilishi oylik mukofot, rag‘batlantirish yoki kompensatsiyaning to‘liq yoki bir qismi miqdorida mahrum qilinishi, intizomiy yoki ma’muriy javobgarlikka tortilishi kabi oqibatlarga sabab bo‘lishi mumkin.

“Sharaf kodeksi” qoida va normalari to‘plangan tajribalar asosida JDPU jamoatchiligi vakillari ishtirokida har yili bir marta muhokama qilinib, uning matniga o‘zgartirishlar kiritilishi mumkin.

Ushbu “Sharaf kodeksi” 2023 yil “ ” Universitet Kengashi —sonli yig‘ilishi \_\_\_\_\_ qarori bilan ma’qullangan.

**Yoshlar masalalari va ma’naviy-ma’rifiy  
ishlar bo‘yicha birinchi prorekтор v.v.b:**



F.Aqchayev

**O‘quv ishlar bo‘yicha prorekтор:**



B.To‘xtamishev

**Ilmiy ishlar va innovatsiyalar bo‘yicha prorekтор:**



G’.Qodirov

**Moliya-iqtisod ishlar prorekтори:**



F.To‘rayev

**Xodimlar bo‘limi boshlig‘i:**



I.Bo‘riyev

**Katta yuristkonsult:**



A.Aliqulov

**Korrupsiyaga qarshi kurashish “Kompleans-nazorat”**



A.Umirzoqov

**tizimini boshqarish bo‘lim boshlig‘i:**



A.Shamsiyev

**Universitet jamoatchilik kengashi raisi:**